

潼關鄉土志稿

光緒三十四年



潼關採訪局謹按

續修通志局發來節畧第一條內開其府廳州縣志業經續修至某
年者即由某年採訪起其續修之志須先繳一分云云遵查_敬廳志
已續修至嘉慶二十一年止除將續廳志呈繳一分外謹按發來各門目
即由嘉慶二十二年起至光緒三十四年止蒐集彙呈以備裁採其_敬廳
所無各門概從闕如

天文

聽屬治城舊經測度按經度視北極出地三十四度三十七分四十五秒以緯度測量計偏京師西六度二十分十五秒

未置潼關以前

唐虞以前荒渺難稽自夏屬雍州逮商為桃林至周為畿內地以及春秋時屬晉晉侯使詹嘉處瑕守之備秦戰國時屬秦秦立函谷關去今關一百二十里以東皆其地由是嬴秦以降漢武帝徙關新安又遷今上南門外隸華陰晉隸長安西魏隸華州後周改潼谷關隋徙南北連城關去今四里唐先隸長安貞觀元年屬閩鄉天授二年移近黃河屬虢州宣應元年屬華陰是為今地宋天聖二年為鎮潼軍節度地建炎二年復為潼關元因之此皆潼關所自始也

既置潼關以後

自明中山王徐達督宋國公馮勝拔關平章李思齊西走洪武元年以郭儉守之七年設潼關守禦千戶所隸陝西都司九年設潼關衛隸河南都司衛名始此永樂六年改隸中軍督都府大清定鼎初因之不久改隸西安府仍稱潼關衛逮雍正三年裁五年復設潼關縣屬華州乾隆十三年裁縣置潼關廳屬同州府此潼關之設後先沿革皆班班可攷也

地理

建置

潼關自乾隆十三年裁縣置廳屬同州府至今因之



疆域

潼關東門外二里餘即河南閩鄉縣境第一關外有潼關分界石碣西門外半里餘即華陰境以石牌坊為界南門外禁溝東為閩鄉境禁溝西為華陰境北門外緊濱黃河河北岸即山西境蓋廳治一彈丸地耳所轄之四十四軍屯皆花棹於閩華兩縣落落然不啻晨星之麗天故不能以四至八到及方里計之

山嶺

象山

城南西南俗呼墩子山上高下皆田約百畝

鳳凰山

城內西南山勢高聳因以為城

麒麟山

城內東南山上有田數百畝人耕其上名曰上寨

筆架山

城內東南

印台山

城內東南

以上三山撮爾土培以肖形故名

牧牛山

城東南鄉即武王放牛桃林處

秦嶺

城南四十里入嵩山峪潼峪太峪善車峪東潼峪等山口又三四十里皆可至秦嶺按各峪及嶺上皆土石雜質惟有山柴野草

川流

黃河

橫繞廳城北面由城西北大教場入廳境直流東北至金陡關出廳境入河南閩鄉縣境統計面積約七里許有官渡曰風陵渡商賈貨船時有往來每船約容二萬觔之譜

潼峪

城南三十里

嵩山峪

城南三十里

以上二水出峪二十里許即合流惟夏秋有水冬春時乾

禁溝

城南五里有泉湧出與潼峪嵩山峪之水合流穿城內入黃河

麻峪

城南四十里

太峪 城南四十里

善車峪 城南四十里

東潼峪 城東南四十里

以上四峪之水流十餘里不等即合流自關鄉境入黃河按山水無定發則激暴異常
隆冬則細微或枯向不通船隻

水峪 城南三十里

蒲峪 城西南三十里 以上三水入渭

營造

城池

潼關城垣廣袤仍舊乾隆九年知縣王懷堂重修三十四年同知趙本
蟠於東西南北各修城路設柵欄五十二年四月潼商道德明奉 勅修南
面城三千二百九十八丈七尺北面磚城七百三十三丈三尺高三丈頂寬一丈八尺底
寬三丈城門六東曰迎恩正樓五間箭樓三間西仍懷遠正樓七間箭樓
七間北曰鎮河小北門曰拱極南曰鳳翽上南門曰麟遊城台各一座南水
關閘樓九間又修馬道十座更舖房七十二座五十六年七月工竣準
銷銀六十五萬三千七百四十三兩零年歲久遠漸有損壞道光十二年

潼商道慶祿率本屬府廳州縣捐廉修理同治二年東南城及西城

塌署同知周潮劉芬二公前後率紳庶勸捐修理六年八月南城及東城

堞墻坍塌三十餘丈署同知程璠次第修理八年潼商道呂雋孫同知曹

俊亮增修南城炮樓二座城西南隅增修炮台一座光緒十三年南城及

西城坍塌十餘丈署同知繆鍾洛修理十六年東南西南城身崩裂五十

餘丈上南門門扇及馬道東西炮樓城上更房南水關護城堤岸均有

損壞潼商道周綬同知王詠請款捐廉修理並添置南北水關閘板四十

九塊二十九年城東南坍塌十餘丈及四面築牆多有損壞署同知唐沛

霖稟請巡撫自善後局領銀八百兩又自損銀四十兩零修補完固

公署 文署四
武署三

潼商道署舊在城西北隅後移故明兵部尚書王之臣舊第乾隆十三年移道署於廳署在正東街是為今治自乾隆己丑至嘉慶丁巳歷任潼商道屠用中吳廷瑞崇福諸公皆加修治己巳潼商道嵩溥更事修葺光緒二十五年署潼商道李紹芬派各屬公攤修理

撫民同知署舊在東察院故址明萬厯中改為撫民廳署乾隆十三年裁縣置廳廳署移於縣署即故衛署也在西門內即今治自乾隆二十四年己卯至嘉慶辛酉歷任同知李豫楊天文趙本蟠錢人龍陸維垣朱學溥虞友光前後重修風雨剝蝕漸有坍塌自光緒以來經歷任同知余叔良楊翰霄王諏勞啟恂焦雲龍朱承恩等先後籌款補葺署內舊有

待質所以恤候讞者今廢訓導署在學宮右側以前修葺無可稽查光緒二十四年同知焦雲龍訓導朱存誠捐資重修

風陵渡巡檢司署舊在黃河北照村裁縣後移駐驛丞署嘉慶二十一年巡檢童昂修

潼關協副將署在西街明戶部給事中孫振基舊第借居五十餘年康熙四十八年副將張自成以價二百四十金置署始完備以後經協鎮定安阿揚阿姚文廣額勒坤忠壽等捐資修補

都司署在副將署東初典民房康熙三十八年張公譽捐置地基始建衙署以後經都司余成龍王金錫等重修

城守把總署即舊典史廨雍正六年建十二年裁典史遂為巡城把總署
二十一年張忠祿捐修以後迭經把總馬萬福李友貴馬成彪等補修

關

金陵關

即第一關在城東二里許南北土原中開一道車不能並軌而關實塞之險要
扼奇

梁

潼津橋

一名石橋架石橋潼水之上以通東西孔道創始重修俱詳前志工料完固數十年
來並未修理

天橋

在南水關上從前架木為之道光九年紳商集資築修石橋同治初年潼商
道蔣公捐廉修砌磚牆行人快之

貢賦

地丁類

戶口數目

廳屬戶口前志未詳查續志內載嘉慶二十年戶凡八千七百五十口
凡四萬三千八百六十五道光以來生齒加增戶視前多一百五十五口視前多
八百七十二二十六年間旱荒成災二十九年調查戶減三百二十五口減二千
三百六十二咸豐中加增不多同治元年五年歷遭兵燹民多逃亡光緒
初年戶口視前並未加多三四兩年又遭大祲戶口視前約減十分之四
至二十六年生息漸繁復被旱災二十七年又遭大疫幸蒙 上憲賑濟
多方戶口不至大減現在實地調查城鄉合計戶共八千二百十九口共三萬八
千七百四十一比較三十年前固見蕃息焉

版籍更易

前續志內載順治十四年諭飭軍民各造丁冊地籍民田軍田不得相混
永為定例至今遵守版籍並無更易

田額隱現

前明開創軍屯令民開荒納糧彼時未免有隱浮額等弊清初如明
制嗣後迭經查明確定實熟額地一千三百五十二頃五十二畝三分七厘七毫
六絲

銀額增減

原額俱詳前志現除歷經奉文豁免河冲地畝丁銀外每年共徵丁銀一千一百九十兩二錢五分七厘五毫內除派供潼營馬草二萬八千束零每束照部價抵銀一分共抵正賦銀二百八十餘兩實徵銀九百餘兩又嘉慶二十四年奉文撥收大荔縣潼衛地六畝每畝照該縣科則徵銀五分二厘一毫共徵銀三錢一分三厘

免賦田地

嘉慶十八年奉文豁免被水冲坍屯地六十六畝五厘每年應徵本色糧二百八斗五升八合六勺四抄零折色銀四錢四分一厘又均載丁銀一錢四分三厘道光二十九年奉文豁免被河冲坍屯地六頃四十五畝八分應徵本色糧二十七石九斗五升二勺折色銀四兩三錢六厘七毫又均載丁銀一兩四錢三厘八毫

丁銀原額

軍屯現存實熟地一千三百四十六頃六分七厘七毫六絲每畝每年科徵本色糧四升三合二勺八抄又科折色均丁銀八厘八毫歲共實徵本色糧五千八百二十五石七斗六升八合四勺過閘不加共實徵折色均丁銀一千一百九十兩五錢七分五毫過閘加徵銀二兩四錢八分八厘內除派供潼營馬草二萬八千零外共實徵銀九百餘兩

餘數係以大小月建加減扣算

課程類

收成分數

廳屬每歲收成向以八分以上為豐收五六分以上為平等所有應徵錢糧均照常徵收若三四分以下則為歉收應徵各色錢糧即可援案稟請減緩徵收期限

徵收正項丁糧每年分限三期春徵銀草向係二月初間開徵限三月底完竣夏徵麥豆向係五月下旬示期開徵限七月底完竣秋徵粟米向係九月中旬示期開徵限十月底完竣但每多有展限日期並無提前催徵情事

墾荒績效

廳屬並無荒地可墾惟查正西鄉太和堡有水冲地一頃二十四畝分五厘又古城等屯有修渠占地四十一畝三分四厘八毫二處荒地每年應徵正糧七石二斗八升四合五勺丁銀一兩四錢六分七厘五毫歷年實欠在民屢催督墾頗難收效

戶役類

原定章程減免復增兵流分別里局經營

軍人向無徭役所有兵流各差應需車馬均由大荔朝邑韓城郃陽澄城蒲城白水七縣協撥故無里局亦無原定章程及增減數目惟查光緒二十六年兩宮巡幸長安差使絡繹由五廳州縣會稟蒙撫憲札飭派員駐扎潼關專設車馬局供支兵流各差二十七年隨即裁撤

學校

入學名額及前後加額廩膳增廣生員定額

續志內載潼關學校童試始於前明正統四年定額入學十二名廩增各二十名二年一貢 清初因之至乾隆十三年改縣歸廳定額入學九名文武相等廩各十五名三年一貢歷年前後未有加額光緒三十年恭逢慈禧皇太后七旬萬壽恩加入學正額三名三十三年奉文嗣後優拔歲貢均准倍取

學田額數

明御史張維任前在大荔太興寨置地百畝現只存九十三畝前按院置有閔鄉縣地十五畝每年收租散給廩生寒士

廩糧額數

自乾隆十三年定額廩生十五名每年共支膳糧銀四十八兩光緒三十四年奉文裁給

舊立校舍

城內關西書院舊名潼川書院自帥府街移建麒麟山下同治初年軍興後傾圮荒廢自八年經潼商道呂儁孫重新復舊光緒三十一年興辦學堂移於麒麟山上遺址現改建小學堂明新書院後改名鳳山書院舊在學宮東偏嘉慶十年間移建考院東偏光緒三十一年興辦學堂稟請將書院考院合併改作高等官小學堂一所是舊日之校舍似替而實與也

義學社學

廳屬舊立社學二所久廢嘉慶二十年同知向淮在東鄉九龍屯勅置社學一所嗣因經費支絀停止城內義學一所舊在西街置自嘉慶二十二年後併入鳳山書院同治八年城內紳商捐募在東街火神殿設立義學一所光緒三十二年改作公立兩等學堂光緒十一年潼商道文光暨同知楊翰霄商酌捐廉建置義學二所光緒二十五年經同知焦雲龍分為三所二十七年潼商道譚啟瑞改辦蒙養學堂三十二年合併設立北街初等官小學堂一所

舊時書院處數規制經費

書院舊有二處一在南街麟山下名關西書院規模雖不甚大而講堂齋舍無一不備經費由歷任潼商道籌捐置有田租坐落悉詳續志又有歲入生息銀一千餘兩光緒三十一年改歸關西初級師範學堂鳳山書院在廳署西偏同知虞友光改建前後兩院規模雖小而房屋頗覺寬大經費向有田租房租生息光緒三十一年歸併高等官小學堂

改設學堂以後官立公立民立境內處所

城內於光緒三十一年興辦官立學堂三所有初級師範學堂一所係道署經理其由廳興辦者有高等官小學堂一所初等官小學堂一所至公立之初等小學堂城內二所四鄉九所正東鄉三東南鄉二正西鄉三西南鄉一

學宮規制及升祀崇政制度

學宮在廳治東地址宏廠殿宇規制詳載續志道光二十九年同知凌樹棠籌款重新規制仍舊光緒三十三年奉文升祀現正集合官紳籌擬崇政尚未動工

祠祀

社稷壇

山川壇

先農壇

厲壇

關帝廟

文昌宮

奎星閣

龍王廟

火神廟

城隍廟

東岳廟

西岳廟

劉猛將軍廟

以上列在祀典者本廳共計十三處

玉皇觀

五岳宮

三聖宮

四聖宮

馬王廟

九聖宮

文殊洞

真武廟
藥王廟

普濟洞

大悲寺

白帝宮

白蓮寺

準提庵

金陵寺

望河宮

以上係民間醜建在城內者共十五處若鄉間祠廟寺觀向無著名之處故從畧

兵防

兵制類

旗綠員弁額缺職任

城內舊有防守綠營一標額設協鎮一都司一把總一經制三額外外委五以上十一員係存營額缺其他分防汛地十三處計官弁十四員有千總二把總五經制五額外外委二潼邑地衝差繁綠營官弁專司訓練兵丁防守城池並撥派護送過往糧餉人犯兼協緝盜賊匪類查禁賭博等事

馬步戰守兵額數先後增減及近年改練成案

潼營舊存額設馬步守兵七百一十三名光緒二十三年奉文裁汰現計馬兵一百三十三名步兵一百二十七名守兵二百七十一名存營兵共二百七十七名分防十三汛兵共二百五十四名現遵舊制尚未改練

軍儲類

旗綠各營餉銀糧米並兵丁家口銀米馬乾草豆支額餉項定數放期

潼關協營餉需向由廳署徵收屯糧項下歲支糧二千五百九十石馬兵每名歲支倉斗糧八石步兵六石守兵四石光緒二十六年經副將忠壽稟請奉文歲借接濟糧六百三十五石五斗又歲支給馬匹料豆八百三十八石九斗八升馬草二萬八千一百六十八束八分統計歲支倉斗糧料共四千六十四石四斗八升按照四季月首開倉放支並無折扣減發等事餉銀一項向係由司領給

巡警新餉款項開支

潼關巡警局於光緒三十年設立在石橋東首龍王廟初招巡兵二十四名由各行商首經理常年經費由四街舖房租按一成抽捐歲入銀三百兩有奇又接各行生意攤捐歲得銀七百餘兩所有詳細章程廳署存檔

塞垣類

邊境要隘

潼邑古稱雄關實為全陝東境之要隘關城北濱黃河南門外去嵩
益峪三十里舊依禁溝東西置十二連城設烽臺前續志列有圖考固
關城之要隘亦全陝之保障也